

25 апреля 2020 года

ПАСХА

НЕДЕЛЯ ФОМИНА

Последование всенощного бдения  
для домашнего (келейного) совершения

ВЕЧЕРНЯ

Молїтвами святѣх отѣц наших, Господи Иисусе Христѣ, Бѣже наш, помїлуй нас.

**Христос воскрес из мертвых, смертию смерть поправ и сущим во гробѣх живот даровав. Трижды.**

Святѣй Бѣже, Святѣй Крепкий, Святѣй Безсмертный, помїлуй нас. Трижды, и три поклона.

Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помїлуй нас: Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помїлуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помїлуй, 12.

Слава, и ныне:

**Христос воскрес из мертвых, смертию смерть поправ и сущим во гробѣх живот даровав. Трижды.**

ПСАЛОМ 103

**Стих избранный:** Благослови, душе моя, Господа. Благословен еси, Господи. Господи, Бѣже мой, возвеличился еси зело. Благословен еси, Господи. Во исповѣдание и в велелепоту облѣкся еси. Благословен еси,

Гóсподи. Посредé гор прóйдут вóды. Дíвна дела́ Твоя́, Гóсподи. Вся премúдростию сотворíл есí. Сла́ва Ти, Гóсподи, сотворíвшему вся.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Гóсподи, помíлуй. 12.

Сла́ва, и ны́не:

Стихи́ избрáннии пёрвыя кафíсмы:

Блаже́н муж, íже не íде на совет нечестíвых. Аллилу́иа, трижды.

Я́ко весть Госпо́дь путь пра́ведных, и путь нечестíвых погíбнет. Аллилу́иа, трижды.

Рабо́тайте Гóсподеви со стра́хом и ра́дуйтеся Ему́ с трéпетом. Аллилу́иа, трижды.

Блаже́ни вси надéющиися Нань. Аллилу́иа, трижды.

Воскресни́, Гóсподи, спасí мя, Бо́же мой. Аллилу́иа, трижды.

Госпо́дне есть спасéние, и на лю́дех Твои́х благословéние Твоё. Аллилу́иа, трижды.

Сла́ва, и ны́не: Аллилу́иа, аллилу́иа, аллилу́иа, сла́ва Тебе́, Бо́же. Трижды.

Гóсподи, помíлуй. Трижды.

Сла́ва, и ны́не:

И áбие

ГóСПОДИ, ВОЗЗВА́Х, ГЛАС 1-й.

Гóсподи, воззва́х к Тебе́, услы́ши мя. Услы́ши мя, Гóсподи.

Гóсподи, воззва́х к Тебе́, услы́ши мя: вонми́ гласу мо́ления моего́, внегда́ воззва́ти ми к Тебе́. Услы́ши мя, Гóсподи.

Да испра́вится моли́тва моя́, я́ко кади́ло пред Тобóю, воздея́ние руку́ моёю — же́ртва вече́рняя. Услы́ши мя, Гóсподи.

На 6: А́ще беззакóния на́зриши, Гóсподи, Гóсподи, кто постои́т? Я́ко у Тебе́ очище́ние есть.

**Две́рем заклю́ченным, ученико́м собра́нным, вшел есí внезапу́ всеси́льне Иису́се, Бо́же наш, и став посредé их мир дав, испо́лнил есí Свята́го Ду́ха, жда́ти же повелéл есí, и ника́коже разлуча́тися от Иерусали́ма, до́ндеже облеку́тся е́же с высоты́ си́лою. Тёмже вопи́ем Ти: просвещéние и воскресéние и ми́ре наш, сла́ва Тебе́.**

**И**мене ра́ди Твоего́ потерпе́х Тя, Го́споди, потерпе́ душа́ моя в сло́во Твое́, упова́ душа́ моя на Го́спода.

**По** днех осми́х воста́ния Твоего́, Го́споди, яви́лся еси́ ученико́м Твои́м на ме́сте, иде́же бяху со́брани, и возгласи́в им: мир вам, неве́рующему ученику́ ру́це показáл еси́, и пречи́стое ребро́. Он же ве́ровав вопия́ше Тебе́: Госпо́дь мой и Бог мой, сла́ва Тебе́.

**На 4:** От стра́жи у́тренния до но́щи, от стра́жи у́тренния да упова́ет Изра́иль на Го́спода.

**Фома́**, глаго́лемый Бли́знец, не бе с ни́ми, егда́ вшел еси́, Христé, заключénным двéрем, те́мже и не ве́роваше рече́нным ему́, от неве́рия в ве́ру извествúя. Не неподóбил же еси́, Бла́же, показáти ему́ пречи́стое ребро́ Твое́, и руку́ и ногу́ я́звы. Он же осяза́в и ви́дев, испове́да Тебе́ бы́ти Бо́га не на́га, и Чело́века не прóста, и вопия́ше: Госпо́дь мой и Бог мой, сла́ва Тебе́.

**Я**ко у Го́спода ми́лость, и мно́гое у Него́ избавлénие, и Той изба́вит Изра́иля от всех беззакóний его́.

**Ученико́м** сомня́щимся, во осмы́й день предста́ Спас, иде́же бяху со́брани, и мир дав, Фомé возопи́: прииди́, апо́столе, осяжи́ длáни, в ни́хже гвóздя вонзо́ша. О до́брое неве́рие Фомино́, ве́рных серде́цá в познáние приведе́, и со стра́хом возопи́: Госпо́дь мой и Бог мой, сла́ва Тебе́.

### **Глас 2:**

**На 2:** Хвалите́ Го́спода вси язы́цы, похвалите́ Его́ вси лю́дие.

**По** воста́нии Твоём, Го́споди, собра́нным ученико́м Твои́м и двéрем заключénным, посре́де стал еси́, мир пода́я им. Ве́ровав же и Фома́ зрénием руку́ и ребр Твои́х, Го́спода и Бо́га Тя испове́да, спаса́ющего упова́ющих на Тя, Чело́веколю́бче.

**Я**ко утверди́ся ми́лость Его́ на нас, и и́стина Госпо́дня пребыва́ет во век.

**Двéрем** заключénным, предста́в Иисýс ученико́м, безстра́шие и мир да́яше, та́же глаго́лет Фомé: почто́ Мне не ве́руеши, я́ко воскресóх из ме́ртвых? Принеси́ сéмо ру́ку твою́, и вложи́ в ре́бра Моя́, и ви́ждь. Тебе́ бо неве́рующе, вси навько́ша стра́сти и воскресéние Моё́ зва́ти с тобо́ю: Госпо́дь мой и Бог мой, сла́ва Тебе́.

### **Сла́ва, и ны́не, глас 6:**

**Двéрем** заключénным, пришéл еси́, Христé, ко ученико́м, тогда́ Фома́ смотре́тельно не обрётеся с ни́ми. Глаго́лаше бо: не иму́ ве́ры, áще не

увіжду и аз Владыки. Увіжду ребро, отонудуже изыде кровь, вода, крещение. Увіжду язву, от неяже исцелё великий струп человеческий. Увіжду, како не бе, якоже дух, но плоть и кости. Смерть поправый и Фому уверивый, Господи, слава Тебе.

### СВЕТЕ ТИХИЙ

Свете тихий святых славы, Безсмертного, Отца Небесного, Святого Блаженного, Иисусе Христе. Пришедше на запад солнца, видевше свет вечерний, поём Отца, Сына и Святого Духа, Бога. Достойн еси во вся времена петь быти гласы преподобными, Сыне Божий, живот дай, темже мир Ты славит.

### ПРОКІМЕН, ГЛАС 6:

Господь воцарися, в лепоту облечеса.

**Стих:** Облечеса Господь в силу и препоясася.

Господь воцарися, в лепоту облечеса.

**Стих:** Ибо утверди вселенную, яже не подвижится.

Господь воцарися, в лепоту облечеса.

**Стих:** Дому Твоему подобает святых, Господи, в долготу дней.

Господь воцарися, в лепоту облечеса.

Господи, помилуй. 40.

Слава, и ныне:

### СПОДОБИ, ГОСПОДИ

Сподоби, Господи, в вечер сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправдания Твоими.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Господи, помилуй. 12.

Слава, и ныне:

## СТИХИРЫ НА СТИХОВНЕ, ГЛАС 4

**О** преслávнаго чудесé! Невéрие вéру извéстную родí. Рек бо Фомá: áще не víжду, не имú вéры. Осязáв же рéбра, богослóвит воплотívшагося, Тогóжде Сы́на Бóжия познá, я́ко пострадáвша плóтию, проповéда воскрéсшаго Бóга, и возопí свéтлым глáсом: Госпóдь мой и Бог мой, слáва Тебé.

**Стих:** Похвалí, Иерусали́ме, Гóспода, хвалí Бóга твоегó, Сиóне.

**О** преслávнаго чудесé! Огнью́ сéно косну́вшееся спасéся вложív бо Фомá во óгненная рéбра ру́ку Иисýса Христá Бóга, не опалíся осязáнием. Душí бо зловéрство преложí на благовéрие, тёпле возопí от глубины́ душéвныя: Влады́ка, Ты еси́ и Бог мой, из мёртвых Воскресый, слáва Тебé.

**Стих:** Я́ко укрепí вере́й врат тво́их, и благословí сы́ны тво́я в тебé.

**О** преслávнаго чудесé! Иоáнн на пёрси Сло́ва возлежé, Фомá же рéбра осязáти сподóбися, но ов́ убо́ отонóду стра́шно богослóвия глубóкое извлечé смотре́ние, ов́ же сподóбися тайнонау́чити нас. Предста́вает бо показáния я́сно востáния Егó, вопия́: Госпóдь мой и Бог мой, слáва Тебé.

## Слáва, и ны́не, глас 6:

**Ч**еловеколю́бче, вéлие и безприкла́дное мно́жество щедрóт Тво́их, я́ко долготерпéл еси́, от иудéй зауша́емь, от апóстола осяза́емь, и от отмета́ющих Тебé многоиспытúемь, ка́ко воплотíлся еси́? Ка́ко распя́лся еси́, Безгрéшне? Но вразумí ны, я́ко Фому́, вопíти Тебé: Госпóдь мой и Бог мой, слáва Тебé.

## Молитва святого Симеона Богоприимца

Ны́не отпу́щаеши раба́ Твоегó, Влады́ко, по глаго́лу Твоему́ с мíром: я́ко видеста́ óчи мой спасéние Твоé, éже еси́ уготóвал пред лицéм всех людéй, свет во откровéние язы́ков, и слáву людéй Тво́их Изра́иля.

## Та́же:

Святы́й Бóже, Святы́й Кре́пкий, Святы́й Безсме́ртный, помíлуй нас. **Трижды, и три поклона.**

Слáва Отцу́, и Сы́ну, и Свято́му Ду́ху, и ны́не и прíсно, и во вéки веко́в. **Ами́нь.**

Пресвята́я Трóице, помíлуй нас: Гóсподи, очíсти грехí на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, имене́ Твоегó ра́ди.

Господи, помилуй. **Трижды.**

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Тропарь, глас 7:**

**Запечатану гробу, Живот от гроба возсиял еси, Христэ Бже, и дверем заключенным, учеником предстал еси, всех Воскресение, дух правый теми обновляя нам, по велицей Твоей милости. Трижды.**

Буди Имя Господне благословено от ныне и до века. **Трижды.**

## УТРЕНЯ

**Христос воскрес из мертвых, смертию смерть поправ и сущим во гробех живот даровав. Трижды.**

## ШЕСТОПСАЛМИЕ

Слава в вышних Богу, и на земли мир, в человецех благоволение. **Трижды.**

Господи, устне мои отверзеши, и уста моя возвестят хвалу Твою. **Дважды.**

## Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Боже его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Бже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благоволение Твое.

Аз уснух, и спях, востах, яко Господь заступит мя.

## Псалом 37

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от

лица безумия моего. Пострада́х и сляко́хся до конца́, весь день се́туя хождáх. Я́ко лядв́ия мо́я напо́лнишася поругáний, и несть исцелéния в плóти моéй. Озло́блен бых и смири́хся до зела́, рыка́х от воздыхáния сёрдца моего́. Гóсподи, пред Тобóю все желáние моё и воздыхáние моё от Тебé не утайся. Сёрдце моё смятёся, оста́ви мя с́ила мо́я, и свет óчию моéю, и той несть со мно́ю. Дрúзи мо́й и íскреннии мо́й прýмо мне прибли́жишася и ста́ша, и бли́жнии мо́й отдалéче менé ста́ша и нужда́хуся íщущии дýшу мою́, и íщущии злáя мне глаго́лаху сýетная и льстíвным весь день поучáхуся. Аз же я́ко глух не слýшах и я́ко нем не отверзáяй уст своих. И бых я́ко человек не слýшай и не имýй во устéх своих обличéния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ порáдуют ми ся вразí мо́й: и внегда́ подвижáтися ногáм мо́йм, на мя велерéчеваша. Я́ко аз на рáны готóв, и болéзнь мо́я предо мно́ю есть вýну. Я́ко беззакóние моё аз возвещý и попеку́ся о гресé моём. Вразí же мо́й живýт и укрепíшася пáче менé, и умно́жишася ненави́дящие мя без прáвды. Возда́ющие ми злáя возблагáя оболгáху мя, занé гоня́х благостýнью. Не оста́ви менé, Гóсподи Бóже мой, не отступí от менé. Вонмí в пóмощь мою́, Гóсподи спасéния моего́.

Не оста́ви менé, Гóсподи Бóже мой, не отступí от менé. Вонмí в пóмощь мою́, Гóсподи спасéния моего́.

## Псалом 62

Бóже, Бóже мой, к Тебé úтреннюю, возжада́ Тебé душá мо́я, коль мно́жицею Тебé плоть мо́я, в земли́ пýсте и непрохóдне, и безвóдне. Тáко во святéм яв́ихся Тебé, вíдети с́илу Твою́ и слáву Твою́. Я́ко лúчши мýлость Тво́я пáче живóт, устне́ мо́й похва́лите Тя. Тáко благословлю́ Тя в животé моём, о íмени Твоём воздежý рýце мо́й. Я́ко от тýка и ма́сти да испóлнится душá мо́я, и устна́ма рáдости восхва́лят Тя уста́ мо́я. Áще помина́х Тя на постéли моéй, на úтренних поучáхся в Тя. Я́ко был ес́и Помóщник мой, и в крóве крилú Твоёю возра́дуюся. Прильпé душá мо́я по Тебé, менé же прýт десни́ца Тво́я. Тíи же всýе иска́ша дýшу мою́, вни́дут в преиспóдняя земли́, преда́ются в рýки ору́жия, чáсти лísовом бýдут. Царь же возвеселíтся о Бóзе, похва́лится всяк кленýйся Им, я́ко заградíшася уста́ глаго́лющих неправедная.

На úтренних поучáхся в Тя. Я́ко был ес́и Помóщник мой, и в крóве крилú Твоёю возра́дуюся. Прильпé душá мо́я по Тебé, менé же прýт десни́ца Тво́я.

Слáва, и ны́не:

Аллилу́иа, аллилу́иа, аллилу́иа, слáва Тебé Бóже. Трижды, без поклонов.

Гóсподи помíлуй. Трижды.

Сла́ва, и ны́не:

### Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол ду́ша моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свободо́ю, я́ко я́звеннии спя́щии во гробе́, ихже не помяну́л еси́ ктому́, и ти́и от руки́ Твоея́ отрино́вени бы́ша. Положи́ша мя в ро́ве преиспо́днем, в те́мных и сени́ сме́ртней. На мне утверди́ся я́рость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость себе́: пре́дан бых и не исхожда́х. Очи мои́ изнемогóсте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми твори́ши чудеса́? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в погы́бели? Еда́ позна́на бу́дут во тьме чудеса́ Твоя́, и пра́вда Твоя́ в земли́ забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вску́ю, Го́споди, отрее́ши ду́шу мою́, отвраща́еши лице́ Твое́ от мене́? Нищ есмь аз, и в трудёх от ю́ности моея́; возне́с же ся, смири́хся, и изнемого́х. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́.

### Псалом 102

Благослови́, ду́ше моя́, Го́спода, и вся вну́тренняя моя́ и́мя свя́тое Его́. Благослови́, ду́ше моя́, Го́спода, и не забыва́й всех воздая́ний Его́, очища́ющего вся беззако́ния твоя́, исцеля́ющего вся неду́ги твоя́, избавля́ющего от и́стлени́я живо́т твой, венча́ющего тя ми́лостью и щедро́тами, исполня́ющего во благо́х жела́ние твоё: обнови́тся я́ко о́рля ю́ность твоя́. Твори́й ми́лостыни Госпо́дь, и судьбу́ всем оби́димым. Ска́за пути́ Своя́ Моисе́ови, сыновомъ Изра́илевым хоте́ния Своя́: Щедр и Ми́лостив Госпо́дь, Долготерпели́в и Многоми́лостив. Не до конца́ прогне́вается, ниже́ во век вражду́ет, не по беззако́нию на́шим сотвори́л есть нам, ниже́ по грехомъ на́шим возда́л есть нам. Я́ко по высоте́ небе́сней от земли́, утверди́л есть Госпо́дь ми́лость Свою́ на боя́щихся Его́. Ели́ко отстоя́т восто́цы от за́пад, уда́лил есть от нас беззако́ния на́ша. Я́коже ще́дрит о́тец сы́ны, ущедри́ Госпо́дь боя́щихся Его́. Я́ко Той позна́ создáние на́ше, помяну́, я́ко персть есмы́. Челове́к, я́ко трава́ дние́ его́, я́ко цвет сёльный, та́ко оцветёт,

яко дух прѣйде в нем, и не бѹдет, и не познает ктому мѣста своего. Мѣлость же Господня от вѣка и до вѣка на боящихся Его, и правда Его на сынѣх сынов, хранящих завет Его, и помнящих заповѣди Его творити я. Господь на Небесѣх уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, слышати глас словес Его. Благословите Господа вся Силы Его, слуги Его, творящии волю Его. Благословите Господа вся дела Его, на всяком мѣсте владычества Его, благослови, душе моя, Господа.

На всяком мѣсте владычества Его, благослови, душе моя, Господа.

### Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя вѣка. И уни во мне дух мой, во мне смятеся сердце мое. Помянух дни древния, поучихся во всех делех Твоих, в творениих рук Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне:

Аллилуиа, аллилуиа, аллилуиа, слава Тебе, Боже. Трижды.

Господи, помилуй. 12.

Слава, и ныне:

Бог Господь и тропарь

Глас 7:

Бог Господь и явися нам, благословен Грядый во имя Господне.

**Стих:** Исповéдайтесь Гóсподеви, я́ко благ, я́ко в век мѝлость Егó.

Бог Госпóдь и явѝся нам, благословéн Грядѝй во ѝмя Госпóдне.

**Стих:** Обышédше обыдóша мя и ѝменем Госпóдним противля́хся им.

Бог Госпóдь и явѝся нам, благословéн Грядѝй во ѝмя Госпóдне.

**Стих:** Не умру́, но жив б́уду и повéм делá Госпóдня.

Бог Госпóдь и явѝся нам, благословéн Грядѝй во ѝмя Госпóдне.

**Стих:** Кáмень, Егóже небрегóша зѝждущии, Сей бысть во главú у́гла, от Гóспода бысть Сей и есть дѝвен во очесéх нáших.

Бог Госпóдь и явѝся нам, благословéн Грядѝй во ѝмя Госпóдне.

**Тропáрь, глас 7:**

**Запечатану грóбу, Живóт от грóба возсия́л есѝ, Христé Бóже, и двéрем заключéнным, ученикóм предстáл есѝ, всех Воскресéние, дух прáвый тéми обновля́я нам, по вели́цей Твое́й мѝлости. Трижды.**

**КАФѝЗМЫ И СЕДА́ЛЬНЫ**

Гóсподи, помѝлуй. **Трижды**

Слáва, и ны́не:

**И чтем кафѝсму 2-ю (зри Псалтирь)**

Гóсподи, помѝлуй. **Трижды.**

Слáва, и ны́не:

**По кафѝсме седáльны, глас 1:**

**Стрáха рáди иудéйска, сокровéнным ученикóм, и в Сиóне собрáнным, вшел есѝ к ним, Блáже, и стал есѝ посреде́ их, двéрем заключéнным радостотворя́й и показáл есѝ им рúце, и пречѝстых Твоѝх ребр я́звы, глагóля неvéрующему ученикú: принеси́ рúку твою́ и испытай, я́ко Сам Аз есмь, тебе́ рáди пострада́вый.**

**Слáва, и ны́не, ѝный седáлен, глас тóйже:**

**Предстáл есѝ животé, двéрем заключéнным, Христé, ученикóм, и рéбра показáв, и рúце Твоѝ, и нóзе Твоѝ, éже от грóба Твое́ востáние предуверя́я, но Фомá не обрéтется, тéмже глагóлаше: áще не узрю́ Егó, не véрю словесéм вáшим.**

## ПОЛИЕЛЕЙ

### Избранныи стихи из псалмов 134 и 135:

Хвалите имя Господне, хвалите, рабы Господа.

Аллилуиа, **трижды.**

Благословен Господь от Сиона, живый во Иерусалиме.

Аллилуиа, **трижды.**

Исповедайтесь Господеви, яко благ, яко в век милость Его.

Аллилуиа, **трижды.**

Исповедайтесь Богу Небесному, яко в век милость Его.

Аллилуиа, **трижды.**

### Величание:

**Величаем Тя, живодавче Христэ, нас ради во ад сшедшаго и с Собою вся воскресившаго.**

### Псалом избранный:

Да исповедятся Господеви милости Его, и чудеса Его сыновом человеческим.

**Величаем Тя, живодавче Христэ, нас ради во ад сшедшаго и с Собою вся воскресившаго.**

Востá яко спя Господь, и поразí врагí Своя.

**Величаем Тя, живодавче Христэ, нас ради во ад сшедшаго и с Собою вся воскресившаго.**

Яко сокрушí вратá медная, и вереí желéзные сломí.

**Величаем Тя, живодавче Христэ, нас ради во ад сшедшаго и с Собою вся воскресившаго.**

### Слава, и ныне:

Аллилуиа, аллилуиа, аллилуиа, слава Тебе, Боже. **Трижды.**

**Величаем Тя, живодавче Христэ, нас ради во ад сшедшаго и с Собою вся воскресившаго.**

Господи, помилуй. **Трижды.**

### Слава, и ныне:

Седáлен прáздника, глас 1:

**Видя Моя рѣбра и язвы гвоздѣй, Фомó, что не вѣруеши Моему Воскресѣнию? Господь глаголаше, воскрес от грóба, являясь апóстолом неизречѣнно. Близнец же вѣровав, вопияше Создáтелю: Бог мой еси и Господь.**

СТЕПѢННА

Антифóн 1, глас 4:

**От юности моея мнози бóрют мя страсти, но Сам мя заступí, и спасí, Спáсе мой.**

**Ненавидящии Сиóна, посрамíтся от Гóспода, я́ко трава́ бо огнемъ бóдете изсóхше.**

**Слáва, и ны́не: Святы́м Духомъ вся́ка душа́ живíтся, и чистото́ю возвыша́ется, светлѣется Трóическимъ Едíнствомъ священно́та́йне.**

ПРОКÍМЕН, ГЛАС 4:

**Похвали́, Иерусали́ме, Гóспода, хвали́ Бóга твоегó, Сиóне.**

**Стих: Я́ко укрепí верей врат тво́их.**

**Похвали́, Иерусали́ме, Гóспода, хвали́ Бóга твоегó, Сиóне.**

Гóсподи, помíлуй.

Слáва, и ны́не:

**Вся́кое дыха́ние да хва́лит Гóспода.**

**Стих: Хвали́те Бóга во святы́хъ Егó, хвали́те Егó в утвер́жении си́лы Егó.**

**Вся́кое дыха́ние да хва́лит Гóспода.**

Гóсподи, помíлуй. **Трижды.**

Слáва, и ны́не:

**От Матфе́я свята́го Ева́нгелия чтѣние.**

**Слáва Тебе́, Гóсподи, сла́ва Тебе́.**

И ЧТЕМЪ ЕВА́НГЕЛИЕ ВОСКРЕСНОЕ 1-Е:

**Во вре́мя о́но, еди́ниина́десять учени́цы идóша в Галиле́ю, в го́ру, áможе повелé им Иисýс. И видевше Егó, поклонíшася Ему́, óви же усумнѣшася. И пристúплъ Иисýс, рече́ им, глаго́ля: даде́ся Ми вся́ка вла́сть на небеси́ и на земли́. Шéдше научíте вся язы́ки, крестя́ще ихъ во íмя Отца́ и Сы́на и Свята́го Духа, уча́ще ихъ блюсти́ вся, ели́ка заповѣдахъ вамъ. И се, Азъ съ ва́ми есмь во вся дни, до сконча́ния вѣка. Ами́нь.**

**Русский перевод:** В то время одиннадцать учеников пошли в Галилею, на гору, куда повелел им Иисус, и, увидев Его, поклонились Ему, а иные усомнились. И приблизившись Иисус сказал им: дана Мне всякая власть на небе и на земле. Итак идите, научите все народы, крестя их во имя Отца и Сына и Святого Духа, уча их соблюдать всё, что Я повелел вам; и вот, Я с вами во все дни до скончания века. Аминь.

**Слава Тебё, Гóсподи, слава Тебё.**

**Воскресёние Христóво вíдевши, поклонímся Свято́му Гóсподу Иисýсу, еди́ному Безгрéшному. Кресту́ Твоему́ поклáняемсЯ, Христé, и свято́е Воскресёние Твоё поём и слáвим: Ты́ бо еси́ Бог наш, рáзве Тебё ино́го не знаём, íмя Твоё именúем. Приидíte, вси вёрнии, поклонímся свято́му Христóву Воскресёнию: сé бо при́иде Крестóм рáдость все́му мíру. Всегда́ благословя́ще Гóспода, поём Воскресёние Егó: распя́тие бо претерпéв, смёртию смерть разруши́. Трижды.**

## **ПСАЛО́М 50 С ПРИПÉВАМИ**

### **Псалóм 50**

**Помíлуй мя, Бóже, по вели́цей мýлости Твое́й, и по мно́жеству щедрóт Тво́их очíсти беззакóние моё. Наипáче омýй мя от беззакóния моего́, и от грехá моего́ очíсти мя; я́ко беззакóние моё аз зна́ю, и грех мой предо мно́ю есть вýну. Тебё еди́ному согреших, и лука́вое пред Тобóю сотвори́х; я́ко да оправди́шися во словесéх Тво́их, и победи́ши, внегда́ суди́ти Ти. Сé бо в беззакóнных зачат есмь, и во гресéх роди́ мя ма́ти моя́. Сé бо íстину возлюбíл еси́, безвéстная и та́йная премýдрости Твоея́ яви́л ми еси́. Окропи́ши мя иссо́пом, и очíщуся; омýеши мя, и пáче снéга убелю́ся. Слу́ху моему́ да́си рáдость и весéлие; возра́дуются ко́сти смире́нныя. Отврати́ лице́ Твоё от грех мои́х, и вся беззакóния моя́ очíсти. Сёрдце чýсто сози́жди во мне, Бóже, и дух прав обнови́ во утробе мое́й. Не отвержи мене́ от лица́ Твоегó, и Дýха Твоегó Свята́го не отыми́ от мене́. Возда́ждь ми рáдость спасéния Твоегó, и Дýхом Влады́чним утверди́ мя. Научú беззакóнныя путём Тво́им, и нечестíвии к Тебё обратя́тся. Избáви мя от крове́й, Бóже, Бóже спасéния моего́; возра́дуется язы́к мой правде Твое́й. Гóсподи, устне мои́ отвéрзеши, и уста́ моя́ возвестя́т хвалу́ Твою́. Я́ко áще бы восхотéл еси́ жёртвы, дал бых úбо: всесо́жжения не благоволи́ши. Жёртва Бóгу дух сокрушён; сёрдце сокрушённо и смире́нно Бог не уничи́жит. Ублажи́, Гóсподи, благово́лением Тво́им Си́она, и да сози́ждутся стéны Иеру-сали́мския. Тогда́ благоволи́ши жёртву правды, возноше́ние и всесо́жегаемая; тогда́ возложáт на олта́рь Твой тельцы́.**

**Слава:**

**Моли́твами апóстолов, Мýлостиве, очíсти мно́жества беззакóний на́ших.**

**И ны́не:**

**Моли́твами** Богоро́дицы, Ми́лостиве, очисти́ мно́жества беззако́ний на́ших.

**Таже, глас 6:**

**Поми́луй** мя, Бо́же, по вели́цей ми́лости Твое́й, и по мно́жеству щедро́т Твои́х, очисти́ беззако́ние моё.

**Стихи́ра, глас то́йже:**

**Воскрёс** Иису́с от гроба́, я́коже прорече́, даде́ нам живо́т ве́чный и ве́лию ми́лость.

**Го́споди, поми́луй. 12.**

**Сла́ва, и ны́не:**

**КАНО́Н**

**Пе́снь 1**

**Ирмо́с:** Пои́м вси лю́дие, от го́рькия рабо́ты фарао́ни Изра́иля изме́ншему, и во глубине́ морсте́й нога́ми немо́крыми наста́вльшему, песнь победную́, я́ко просла́вился.

**Припе́в:** Сла́ва, Го́споди, свято́му Воскресе́нию Твоему́.

**Днесь** весна́ душáм, зане́ Христóс от гроба́ я́коже со́лнце возсия́в тридне́вный, мра́чную бу́рю отгна́ греха́ на́шего. Того́ воспои́м, я́ко просла́вился.

Сла́ва, Го́споди, свято́му Воскресе́нию Твоему́.

**Цари́ца** време́н, светно́сному дню́, дней же царю́ я́вственнейши дароно́ся, кра́сит избра́нныя лю́ди церко́вныя, непреста́нно поя́ воскресе́шаго Христа́.

Сла́ва Отцу́, и Сы́ну, и Свято́му Ду́ху, и ны́не и прі́сно, и во ве́ки веко́в. **Ами́нь.**

**Врата́** смерти, Христé, ниже́ гробны́я печа́ти, ниже́ ключи́ дверей Тебе́ проти́вишася, но воскрёс предста́л еси́ друго́м Твои́м, Влады́ко, мир да́руяй, всяк ум преимущ́.

**Катава́сия:** Воскресе́ния день, просвети́мся, лю́дие. Па́сха, Госпо́дня Па́сха, от сме́рти бо к жи́зни, и от земли́ к небеси́, Христóс Бог нас преведе́, победную́ пою́щия.

### Песнь 3

**Ирмос:** Утверди мене, Христэ, на недвижимом камени заповедей Твоих, и просвети мя светом лица Твоего, несть бо свят паче Тебе, Человеколюбче.

Слава, Господи, святому Воскресению Твоему.

**Нóвия вмéсто вéтхих, вмéсто же тлénных нетлénных, Крестом Твоим, Христэ, совершив нас, во обновлении жизни жителствовати достóйно повелél еси.**

Слава, Господи, святому Воскресению Твоему.

**Во грóбе заключén описанною плóтию Твоею, неопísанный, Христэ, воскрéсл еси, двéрем же заключénным, предстál еси Твоим учеником, Всесíльне.**

Слава Отцú, и Сыну, и Святому Дúху, и ныне и присно, и во вéки векóв. **Амíнь.**

**Язвы Твоя, Христэ, яже волею претерпél еси за нас, учеником Твоим сохранив, свидетельство показál еси Твоего славнаго Воскресения.**

**Катавасия:** Приидите, пíво пиём нóвое, не от камéне неплодна чудодéемое, но нетлénия истóчник из грóба одождíвша Христа, в Нёмже утверждаёмся.

Господи, помíлуй. **Трижды.**

Слава, и ныне:

**Ипако́й, глас 6:**

**Яко посреде́ ученико́в Твои́х пришéл еси́, Спа́се, мир да́я им, прииди́ и к нам и спаси́ нас.**

### Песнь 4

**Ирмос:** Вéлия та́йна Твоего́, Христэ, смотре́ния, сию́ бо свýше провída богозрительно́ Авваку́м, изше́л еси́, вопия́ше Тебе́, во спасéние люде́й Твои́х, Человеколюбче.

Слава, Господи, святому Воскресению Твоему.

**Жéлчи у́бо вкуси́, дрéвнее вкуше́ние исцеля́я, ны́не же с со́том ме́да, просвещéние пода́я Христóс пра́отцу, и Своё сла́дкое причáстие.**

Слава, Господи, святому Воскресению Твоему.

**Ра́дуешися испытáемь, тёмже, Человеколюбче, на сие повелева́еши Фомé, простира́я неvéрующу рёбра, мíрови уверя́я Твоё, Христэ, триднёвное востáние.**

Сла́ва, Го́споди, свято́му Воскресе́нию Твоему́.

**Богáтство** почéрп от сокровища некра́домаго Божéственного, Благоде́телю, копиéм прободéннаго Твоего́ ребра́, премудрости и ра́зума наполняет мир Бли́знéц.

Сла́ва Отцú, и Сы́ну, и Свято́му Ду́ху, и ны́не и прýсно, и во ве́ки веко́в. Ами́нь.

**Твой** всеблаже́нный хва́лится язы́к, о Бли́знче! Пéрвый бо благоче́стно проповéдует Жизнода́вца Иису́са, Бо́га же и Го́спода, от осяза́ния испо́лнься благода́ти.

**Катава́сия:** На Божéственной стра́жи богоглаго́ливый Авваку́м да ста́нет с на́ми и пока́жет светonóсна А́нгела я́сно глаго́люща: днесь спасе́ние ми́ру, я́ко воскресе́ Христо́с, я́ко всеси́лен.

### Песнь 5

**Ирмо́с:** От но́щи у́треннюю́ще поéм Тя, Христé, Отцú собезнача́льна, и Спа́са душ на́ших, мир ми́рови пода́ждь, Человеколю́бче.

Сла́ва, Го́споди, свято́му Воскресе́нию Твоему́.

**Предста́в** друго́м скорбя́щим Спас, пришéствием всю отъéмлет скорбь, и игра́ти воздви́зает Свои́м Воскресе́нием.

Сла́ва, Го́споди, свято́му Воскресе́нию Твоему́.

**О** войсти́нну похваля́емаго Фо́мы стра́шнаго начинáния! Дéрзостно бо осяза́ ре́бра, Божéственным огнём блиста́ющая.

Сла́ва Отцú, и Сы́ну, и Свято́му Ду́ху, и ны́не и прýсно, и во ве́ки веко́в. Ами́нь.

**Неве́рие** Фомино́, ве́ры родите́льное нам показáл еси́, Ты бо вся премудростию́ Твоею́ промы́ляеши полéзно, Христé, я́ко Человеколю́бец.

**Катава́сия:** У́тренюем у́треннюю́ глубокú, и вме́сто ми́ра песнь принесéм Влады́це, и Христá у́зрим пра́вды Со́лнце, всем жизнь возсия́ющая.

### Песнь 6

**Ирмо́с:** Проро́ка спасл еси́ от кита́, Человеколю́бче, и мене́ из глубины́ прегреше́ний возведи́, молю́ся.

Сла́ва, Го́споди, свято́му Воскресе́нию Твоему́.

**Фо́мы** не оста́вил еси́, Влады́ко, погружа́ема глуби́ною неве́рия, длáни простéр на испытáние.

Сла́ва, Го́споди, свято́му Воскресе́нию Твоему́.

**Спас наш глаголаше: осязавше Мя видите кости плоть носяща, Аз не переменихся.**

**Слава** Отцѹ, и Сыну, и Святому Духу, и ныне и присно, и во веки веков. **Аминь.**

**Рёбра осяза и веровав позна Фомá, не сый в первом входе Твоём, Спасе наш.**

**Катавасия:** Снизшёл еси в преисподняя земли, и сокрушил еси вереи вечныя, содержащия связанныя, Христё, и триднёвен, яко от кита Иона, воскресл еси от гроба.

**Господи, помилуй. Трійжды.**

**Слава, и ныне:**

**Кондак, глас 8:**

**Любопытною десницею жизнеподательная Твоя рёбра Фомá испыта, Христё Бóже, созаключённым бо двéрем яко вошел еси, с прóчими апóстолы вопияше Тебё: Господь еси и Бог мой.**

**Икос:** Кто сохрани ученичу длань тогда неопалиму, егда ко о́гненным рёбром приступи Господним? Кто даде ей дерзость, и возмо́же осязати пла́менную кость, всяко неосязимую? Аще бо не бы ребро́ силу подало брénней деснице, како мо́жаше осязати, страда́ньми поколебáвшая яже вы́ше и яже ни́зу? Сия благодáть Фомé даде́ся, е́же сия осязати, Христóви же вопíti: Господь еси и Бог мой.

### **Песнь 7**

**Ирмос:** О́бразу служи́ти мусики́йскому согла́сию созыва́ющу лю́ди, от пёсней Сио́нских пою́ще оте́чески о́троцы Дави́довы, мучи́телево разори́ша злочести́вое велéние, и пла́мень в рóсу преложи́ша, песнь воспевáюще: превозно́симый отце́в и наш Бóже, благослове́н еси́.

**Слава, Господи, святому Воскресению Твоему́.**

**Яко пёрвый есть дней и госпóдственный светонóсный сий, вóньже ра́доватися досто́йно но́вым и божéственным лю́дем с трéпетом: прино́сит бо и вéка о́браз, яко осми́ца соверша́я б́дущаго, превозно́симый отце́в и наш Бóже, благослове́н еси́.**

**Слава, Господи, святому Воскресению Твоему́.**

**Еди́н дерзну́вый, неверно́ю же véрою облагодéтельствовавый нас Фомá Близнéц, решит у́бо мра́чное невéдение всех конце́в, véрным невер́ствием, себе же венéц плетёт я́ве глаго́ля. Ты еси́ Господь превозно́симый, отце́в и наш Бóже, благослове́н еси́.**

Сла́ва, Го́споди, свято́му Воскресе́нию Твоему́.

**Не** всу́е усумне́вся Фома́ о воста́нии Твое́м, не низложи́ся, но несумне́тельное тща́шеся показáти си́е, Христé, всем язы́ком. Отону́дуже неvéрием увéрив, всех научи́ глаго́лати: Ты еси́ Госпо́дь превозно́симый, отце́в и наш Бо́же, благослове́н еси́.

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

**Со** стра́хом ру́ку Фома́ в ре́бра Твоя́ живонóсная, Христé, вложив, трéпетен ощути́ де́йство, Спа́се, сугу́бое двема́ естество́ма в Тебе́ соединя́емыма неслия́нно, и véрою взывáше, глаго́ля: Ты еси́ Госпо́дь превозно́симый, отце́в и наш Бо́же, благослове́н еси́.

**Катава́сия:** О́троки от пе́щи избáвивый, быв Челове́к, стра́ждет я́ко сме́ртен, и стра́стию сме́ртное, в нетле́ния облачи́т благоле́пие, Еди́н благослове́н отце́в Бог и препросла́влен.

## Песнь 8

**Ирмо́с:** В пла́мени о́гненне горя́щая пе́щи сохрани́шаго де́ти, и во зра́це а́нгела снизше́дшаго к ним, по́йте Го́спода и превозно́сите Его́ во ве́ки.

Сла́ва, Го́споди, свято́му Воскресе́нию Твоему́.

**Возжелéвый** Твое́ ра́достное видéние, прéжде не véроваше Фома́: сподо́блсся же того́, Бо́га и Го́спода Тя нарица́ше, Влады́ко, Его́же превозно́сим во вся ве́ки.

Сла́ва, Го́споди, свято́му Воскресе́нию Твоему́.

**Претерпе́вшаго** Фомино́ неvéрие и показáвшаго ре́бра, и того́ длáнию осяза́нна б́ывша, по́йте Го́спода и превозно́сите Его́ во вся ве́ки.

Благослови́м Отца́, и Сы́на, и Свята́го Ду́ха, Го́спода, и ны́не и прісно, и во ве́ки веко́в. Ами́нь.

**Твое́** неудобное сокро́вище, утаéное нам отве́рзе Фома́: богосло́вив бо язы́ком богонóсным, по́йте Го́спода, глаго́лаше, и превозно́сите Его́ во вся ве́ки.

Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

**Катава́сия:** Сей нарече́нный и святы́й день, Еди́н суббо́т Царь и Госпо́дь, пра́дников пра́дник и торже́ство есть торже́ств, во́ньже благослови́м Христá во ве́ки.

Честнейшую не поем.

### Песнь 9

**Ирмос:** Тебѣ, свѣтлую свещу и Матерь Божію, пречудную славу и вѣшшую всех тварей, пѣснями величаѣм.

Слава, Господи, святому Воскресѣнію Твоему.

**Твой свѣтлый день и пресвѣтлый, Христѣ, всесвѣтлую благодать, вонѣже красныи добротой ученикомъ Твоимъ предсталъ еси, в пѣсняхъ величаѣм.**

Слава, Господи, святому Воскресѣнію Твоему.

**Тебѣ, брѣнною дланію осязаѣма в ребра, и не опаливши сию, огнемъ невещественнаго Божественнаго существа, в пѣсняхъ величаѣм.**

Слава Отцу, и Сыну, и Святому Духу, и ныне и присно, и во веки вековъ. **Аминь.**

**Тя, яко Бога, из гроба воскресша Христа, не очима видевше, но сердечною любовію веровавше, пѣснями величаѣм.**

**Катавасія:** Светися, светися, новыи Иерусалиме, слава бо Господня на тебѣ возсия. Ликуй ныне и веселися, Сионе. Ты же, Чистая, красуйся, Богородице, о востаніи Рождества Твоего.

Господи, помилуй. **Трижды.**

Слава, и ныне:

Свят Господь Бог наш. Свят Господь Бог наш. Свят Господь Бог наш.

**Ексапостиларий, глас 1.**

**Моихъ удовъ рукою твоею испытавый язвы, не неверуй Ми, Фомо, уязвленному тебѣ ради, со ученики единомудрствуй, и живущаго проповѣдуй Бога. Дважды.**

Слава, и ныне:

**Днесъ весна благоухаетъ, и новая тварь ликуетъ. Днесъ взимаются ключи дверей, и неверия Фомы друга вопиюща: Господь и Бог мой.**

### ХВАЛИТНЫ

Всякое дыханіе да хвалитъ Господа. Хвалите Господа с небесъ, хвалите Его в вышнихъ. Тебѣ подобаетъ песнь Богу. Хвалите Его, вси Ангели Его, хвалите Его, вся Силы Его. Тебѣ подобаетъ песнь Богу.

### Стихиры на хвалитех, глас 1:

**Х**валите Егó во гласе трубнем, хвалите Егó во псалтири и гуслех.

**По** еже из грóба Твоем страшном, Жизнодавче, востáнии, якоже печатей не разрушил еси́, Христé, грóбных, тако́ заключénным двéрем вшел еси́ к преслáвным апóстолом Твоим, радостотвори́ их, и Пра́вый Твой Дух пода́й им, за безме́рную Твою́ мило́сть.

**Х**валите Егó в тимпа́не и ли́це, хвалите Егó во стру́нах и орга́не.

**Фома́** иже и Близне́ц не бе пришéл, егда́ Ты ученико́м яви́лся еси́, Го́споди. Те́мже не ве́рова Твоему́ Воскресéнию, и ви́девшим Тя вопия́ше: а́ще не вложу́ перста в ре́бра Егó и гвозде́й я́звы, не ве́рую, я́ко воста́л естѣ.

**Х**валите Егó в кимва́лех доброгласных, хвалите Егó в кимва́лех восклицáния. Всякое дыха́ние да хва́лит Го́спода.

**Я**коже хощеши, осяжи́, Христóс Фомé вопия́ше: вложи́ ру́ку и позна́й Мя, ко́сти иму́ща и земно́е тéло, и не бу́ди неверен, ра́вно же со инéми увéрися. Он же возопи́: Бог мой и Госпо́дь Ты еси́, сла́ва востáнию Твоему́.

### Сла́ва, глас 6:

**По** днех осми́х востáния Твоегó, Иисýсе Царю́, единоро́дный Сло́ве О́тчий яви́лся еси́ ученико́м Твоим, заключénным двéрем, мир Твой пода́й, и неверующему́ ученику́ зна́мения показáл еси́: прииди́ и осяжи́ ру́це и нóзе, и нетлénная Мо́я ре́бра. Он же ве́ровав, вопия́ше Тебé: Госпо́дь мой и Бог мой, сла́ва Тебé.

### И ны́не, глас 2:

**Пре**благословéна еси́, Богороди́це Дéво, Воплóщшим бо ся из Тебé ад плени́ся, Ада́м воззва́ся, кля́тва потреби́ся, Ё́ва свободи́ся, смерть умертви́ся, и мы ожи́хом. Тем воспева́юще вопие́м: благословéн Христóс Бог, благоволи́вый тако́, сла́ва Тебé.

**С**ла́ва Тебé, показáвшему нам свет.

### ВЕЛИКОЕ СЛАВОСЛОВИЕ

**С**ла́ва в вы́шних Бо́гу, и на земли́ мир, в челове́цех благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодари́м Тя вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иисýсе Христé, и Святы́й Ду́ше. Го́споди Бо́же, Агнче Бо́жий, Сы́не Оте́чь, взéмляй грех ми́ра, поми́луй нас. Взéмляй грехи́

міра, приими моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христо́с, в сла́ву Бо́га Отца́, ами́нь.

На всяк день благословлю́ Тя и восхвалю́ імя Твое́ во ве́ки, и в век ве́ка. Сподо́би, Го́споди, в день сей без греха́ сохрані́тися нам. Благослове́н еси́, Го́споди Бо́же оте́ц на́ших, и хва́льно и просла́влено імя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

Благослове́н еси́, Го́споди, научи́ мя оправда́нием Твои́м. Трижды.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибего́х, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живо́та, во све́те Твоём у́зрим свет. Проба́ви ми́лость Твою́ ве́дущим Тя.

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды.

Сла́ва Отцу́ и Сы́ну и Свято́му Ду́ху, и ны́не и прі́сно и во ве́ки веко́в, ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Тропа́рь, глас 7:

**Запеча́тану грóбу, Живо́т от грóба возсия́л еси́, Христé Бо́же, и двéрем заклю́ченным, учени́ком предста́л еси́, всех Воскресе́ние, дух пра́вый те́ми обновля́я нам, по вели́цей Твое́й ми́лости.**

**ЗАВЕРШЕНИЕ УТРЕНИ**

Го́споди, поми́луй. 40.

Сла́ва, и ны́не:

Го́споди, поми́луй. 12.

Сла́ва, и ны́не:

Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу, Тя велича́ем.

Сла́ва, и ны́не: Го́споди, поми́луй. Трижды. Благослови́.

## Отпуст

**Воскресый из мёртвых, Христё, истинный Бóже наш, моли́твами Пречы́стия Свое́й Ма́тере, свята́го сла́внаго апо́стола Фо́мы и всех свята́х, помíлуй и спаси́ нас, я́ко Благ и Человеколю́бец. Ами́нь.**

Вели́каго господи́на и отца́ на́шего Кири́лла, Святéйшаго Патри́арха Моско́вскаго и все́й Руси́, и господи́на на́шего высокопреосвящённейшаго **и́мярек**, митрополи́та [**или́:** архиепи́скопа; **или́:** преосвящённейшаго **и́мярек**, епи́скопа] [**его́же есть о́бласть**], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая ле́та.

## ПЕРВЫЙ ЧАС

**Христос воскресе из мёртвых, сме́ртию сме́рть попра́в и су́щим во гробéх живо́т дарова́в. Трижды.**

**Приидите, поклонимся Царéви на́шему Бо́гу.**

**Приидите, поклонимся Христу́, Царéви на́шему, Бо́гу.**

**Приидите, поклонимся и припаде́м Само́му Христу́, Царéви и Бо́гу на́шему.**

## Псалом 5

Глаго́лы моя́ внуши́, Го́споди, разуме́й зва́ние моё. Вонми́ гла́су моле́ния моего́, Царю́ мой и Бо́же мой, я́ко к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Я́ко Бог не хотя́й беззако́ния, Ты еси́: не присели́тся к Тебе́ лука́внуяй, ниже́ пребу́дут беззако́нницы пред очы́ма Твои́ма: возненави́дел еси́ вся де́лающыя беззако́ние. Погуби́ши вся глаго́лющыя лжу: му́жа крове́й и льсти́ва гнуша́ется Госпо́дь. Аз же мно́жеством ми́лости Твое́й, вни́ду в дом Твой, поклоню́ся ко хра́му свято́му Твоему́, в стра́се Твоём. Го́споди, наста́ви мя пра́вдою Твое́ю, враг мо́их ра́ди испра́ви пред Тобо́ю путь мой. Я́ко несть во устéх их и́стины, се́рдце их су́етно, гроб отве́рст горта́нь их: язы́ки свои́ми льща́ху. Суди́ им, Бо́же, да отпаду́т от мы́слей свои́х, по мно́жеству нече́стия их изри́ни я́, я́ко преогорчи́ша Тя, Го́споди. И да возвеселя́тся вси упова́ющи на Тя, во век возра́дуются, и всели́шися в них, и похва́лятся о Тебе́ любя́щим и́мя Твое́. Я́ко Ты благослови́ши пра́ведника, Го́споди: я́ко ору́жием благоволе́ния венча́л еси́ нас.

### Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси днии наши оскудеша, и гневом Твоим исчезохом, лета наша яко паучина поучахуся. Днии лет наших, в нихже седьмдесят лет, аще же в силах, осьмдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исцелит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

### Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпе мне сердце строптиво, уклоняющегося от мене лукаваго не познах. Оклеветавшего тай искренняго своего, сего изгонял: гордым оком, и несмытым сердцем, с сим не ядях. Очи мои на верныя земли, посадати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава, и ныне:

Аллилуиа, аллилуиа, аллилуиа, слава Тебе Боже. Трижды.

Господи, помилуй. Трижды.

**Тропáрь, глас 7:**

**Запечатану грóбу, Живóт от грóба возсия́л еси́, Христé Бóже, и двéрем заключénным, ученикóм предстáл еси́, всех Воскресéние, дух прáвый тéми обновля́я нам, по вели́цей Твое́й мýлости.**

**И ны́не, Богорóдичен:**

**Что** Тя наречéм, о Благодáтная? Не́бо, я́ко возсия́ла еси́ Сóлнце Прáвды. Рай, я́ко прозяблá еси́ цвет нетлénия. Дéву, я́ко пребылá еси́ нетлénна. Чýстую Мáтерь, я́ко имéла еси́ на святýх Тво́их объ́ятиях Сы́на, всех Бóга. Тогó моли́ спаст́ся душáм нáшим.

**Тáже:**

**Стопы́** моя́ напра́ви по словеси́ Твоемý и да не облада́ет мно́ю вся́кое беззакóние. Избáви мя от клеветы́ челове́ческих, и сохраню́ за́поведи Тво́я. Лице́ Твое́ просвети́ на раба́ Твоегó и на́учи мя оправдáнием Тво́им.

**Да** исполняются уста́ моя́ хвалéния Твоегó, Гóсподи, я́ко да воспою́ слáву Твою́, весь день великолéпие Твое́.

**Святýй Бóже, Святýй Крéпкий, Святýй Безсмéртный, помýлуй нас. Трижды.**

**Слáва** Отцý и Сы́ну и Святóму Дýху, и ны́не и прýсно и во вéки веко́в. **Ами́нь.**

**Пресвятáя Трóице, помýлуй нас; Гóсподи, очисти́ грехи́ нáша; Влады́ко, прости́ беззакóния нáша; Святýй, посети́ и исцели́ нéмощи нáша, имене́ Твоегó рáди.**

**Гóсподи, помýлуй. Трижды. Слáва, и ны́не:**

**Отче** наш, И́же еси́ на Небесéх, да святит́ся и́мя Твое́, да приидет Цáрствие Твое́, да бýдет во́ля Тво́я, я́ко на Небеси́ и на земл́и. Хлеб наш насýщный да́ждь нам днесь; и оста́ви нам дóлги нáша, я́коже и мы оставля́ем должникóм нáшим; и не введи́ нас во искушéние, но избáви нас от лука́ваго.

**[Я́ко Твое́ есть Цáрство и си́ла и слáва во вéки. Ами́нь. (Мф. 6: 9-13)]**

**Конда́к, глас 8:**

**Любопы́тною десни́цею жизнóподáтельная Тво́я рéбра Фомá испытá, Христé Бóже, созаклучénным бо двéрем я́ко вшел еси́, с прóчими апóстолы вопия́ше Тебé: Госпóдь еси́ и Бог мой.**

**Гóсподи, помýлуй. 40.**

**И**же на всякое время и на всякий час, на Небеси и на земли, покланяемый и славимый, Христэ Бóже, Долготерпеливе, Многомилостиве, Многоблаготрóбне, **И**же праведныя любяй и грешныя милуяй, **И**же вся зовый ко спасению обещания ради будущи́х благ. Сам, Гóсподи, приими́ и на́ша в час сей моли́твы и исправи живóт наш к за́поведем Твои́м, ду́ши на́ша освяти́, телеса́ очисти, помышлénия исправи, мы́сли очисти и избáви нас от всякия скóрби, зол и болéзней, оградí нас святы́ми Твои́ми А́нгелы, да ополчénием их соблюда́еми и наставля́еми, достíгнем в соединénие вéры и в рáзум непристúпныя Твоея́ слáвы, я́ко благословén еси́ во вéки веко́в, амíнь.

**Ч**естнэйшую Херувím и слáвнейшую без сравнénия Серафím, без ислénия Бóга Сло́ва рóждшую, сущую Богорóдицу, Тя велича́ем.

**И молитву часа:**

**Х**ристэ, Свéте Истинный, просвещáяй и освящáяй всякаго челове́ка, грядúщаго в мир, да зна́менается на нас свет лица́ Твоегó, да в нем úзрим Свет Непристúпный: и исправи стопы́ на́ша к дéланию за́поведей Твои́х, моли́твами Пречíстыя Твоея́ Мáтере, и всех Твои́х святы́х, амíнь.

**Конда́к, глас 8:**

**Любопы́тною десни́цею жизнóподáтельница Твоя́ рéбра Фомá испытá, Христэ Бóже, созаклю́ченным бо двéрем я́ко вшел еси́, с прóчими апóстолы вопия́ше Тебé: Господь еси́ и Бог мой.**

**Слáва, и ны́не:**

**Гóсподи помíлуй. Трижды.**

**Воскресый из мёртвых, Христэ, и́стинный Бóже наш, моли́твами Пречíстыя Твоея́ Мáтере, преподóбных и богонóсных отéц на́ших и всех святы́х, помíлуй и спаси́ нас, я́ко Благ и Человеколю́бец. Амíнь.**

**Христóс воскресе из мёртвых, смёртию смерть поправ и сущим во гробéх живóт дарова́в. Трижды.**